

IBU dobio britansku akreditaciju ASIC

Aug 20, 2019

Internacionalni Burch univerzitet sada je zvanično akreditovana visokoobrazovna ustanova i od strane Medjunarodne službe za akreditaciju za medjunarodne škole, fakultete i univerzitete – ASIC

Danas je na Regionalnoj ASIC konferenciji koja se održava na Baliju, Internacionalnom Burch univerzitetu uručena akreditacija koju je preuzeo Admir Salihagic, član Upravnog odbora IBU.

ASIC je ocijenio IBU kao visokokvalitetnu ustanovu, spremnu da pruži, u svim segmentima, samo najbolje svojim studentima, obzirom da ova medjunarodna akreditacija omogućava studentima da steknu realnu sliku o univerzitetu u pogledu kvaliteta, resursa, podrške studentima i etike. IBU je stekao Premier status sa ASIC-om uz posebnu pohvalu za svoj rad.

Na osnovu 30 godina britanskog i medjunarodnog obrazovnog iskustva ASIC ima jedinstven uvid u globalno tržište obrazovanja. Akreditacija na poseban način pomaže studentima i roditeljima da na bazi konkretnih informacija donesu odluke prilikom odabira univerziteta, škole, fakulteta, te da budu sigurni da je odabrana institucija visokokvalitetna ustanova.

ASIC je nezavisno tijelo, formirano s ciljem pružanja tačnih informacija studentskoj populaciji, ali i širem svijetu visokog obrazovanja, sa jasno definisanim i objektivnim standardom. Opredijeljeni su za podršku u stalnom razvoju i unaprijeđenju kvaliteta obrazovnih institucija. „Osiguranje kvalitete je kontinuirana aktivnost i tu smo da pomognemo našim školama, fakultetima i univerzitetskim partnerima u njihovom stalnom traganju za izvrsnošću“, isticu iz ASIC-a i naglašavaju: „Naš proces ispituje instituciju u cjelini, uključujući administrativne sisteme, nastavu i izvođenje nastave kako bi se osiguralo ispunjavanje potrebnih standarda.“

ASIC kao medjunarodno tijelo za akreditaciju, akreditira mnoge institucije širom svijeta, između ostalog u Aziji, Americi, Australiji, Africi, Evropi, na Bliskom Istoku i šire.

ASIC je i pridružena članica ENQA-e (Evropske mreže za osiguranje kvaliteta u visokom obrazovanju), te član EDEN-a (Evropske mreže za ucenje na daljinu i e-ucenje) . U Velikoj Britaniji priznat je od strane UKVI-a, član je medjunarodne CHEA grupe za kvalitet u SAD-u, kao i britanske Fondacije za kvalitet (BQF).

Ovo još jedno u nizu priznanja kako medjunarodnih tako i domaćih institucija za kvalitet rada Internacionalnog Burch univerziteta, koji nastavlja pomjerati granice obrazovanja u BiH, i koji sa razlogom nosi titulu najboljeg privatnog i prvog poduzetnickog univerziteta u Bosni i Hercegovini.

International Burch University | www.ibu.edu.ba